

影印
文淵閣

四庫全書

影印

文淵閣四庫全書

第一四六四冊

北京出版集團公司
北京出版社

本冊目次

宋元詩會(二)

清陳焯編……一

欽定四庫全書

集部

宋元詩會卷五十二

詳校官中書臣陸 湘

主事銜臣徐以坤覆勘

總校官知縣臣繆 琪

校對官中書臣牛稔文

謄錄貢生臣齊兆求

欽定四庫全書

宋元詩會卷五十一

兵部主事陳焯編

文天祥

字宋瑞又字履善吉水人自童子時見學宮所祠
卿先生皆謚忠即欣然慕之年二十舉進士對策
集英殿一揮萬言文不起草理宗親拔為第一丁
父憂服闋為寧海軍節度判官遷刑部郎中出守
瑞州改江西提刑入為尚書左司郎權直學士以
草制忤賈似道罷歸遂請致仕時年三十七耳咸
淳九年起湖南提刑明年改知贛州德祐初結義
兵勤王至臨安除知平江府元兵破常州入獨松

欽定四庫全書

宋元詩會
卷五十一

關天祥退守餘杭明年正月除知杭州府旋拜右
丞相兼樞密使如軍中講和與巴延抗論皋亭山
拘之使北行至鎮江天祥夜亡入真州苗再成迎
之商用兩淮兵為興復計會有行反問者淮帥疑
之其事中阻天祥乃航海達溫州行在拜右丞相
與陳宜中等議不合乃以同都督出江西收兵入
汀州再移漳州進復贛屬諸縣俄而兵潰天祥妻
妾子女皆被執天祥收殘兵奔循州屯麗江會益
王昀衛王繼立天祥上表自劾乞入朝不許因加
天祥少保信國公進屯潮陽元帥張弘範兵突至
執之天祥吞腦子不死弘範委曲誘降弗得遂遣
使護送至燕坐臥小樓三年不屈死年四十七天
祥忠義動天地泣鬼神其載宋史本傳者
出時宰手多失實惟考指南錄庶幾得之

山中感興 三首

載酒之東郊東郊草新綠一雨生江波洲渚失其足青
春豈不惜行樂非所欲采芝復采芝終朝不盈掬大風
從何來奇響振空谷我馬何玄黃息我西山麓

山中有流水霜降石自出驟雨東南來消長不終日故
人書問至爲言北風急山深人不知塞馬誰得失挑燈
看古史感淚縱橫發幸生聖明時漁樵以自適

桃花何天天楊柳何依依去年白鳥集今年黃鵠飛昔
爲江上潮今爲山中雲江上潮有聲山中雲無情一年

欽定四庫全書

宋元詩會
卷五十一

二

足自念况復百年長但存松栢心天地真茫茫

送行中齋 二首

秋氣晚正烈客衣早知寒把衣不能別更盡此日歡出
門一萬里風沙浩漫漫豈無兒女情爲君思洊瀾百年
有時盡千載無殊觀明明君臣義公獨爲其難寧受百
折苦願持一寸丹會須撫卷人孤燈起長歎

神龍蕩失水馴擾終未得威鳳雖在數甯顧鷄鶩食所
以古至人受變心不易毫鼎已遷周西山竟肌瘠豫子

身自漆長弘血成碧何嘗怨廢興而或二心跡堅白不
在緇羔表良自惜此義公素明俗見或未識

題宣州疊嶂樓

初日照高樓輕煙在疎樹峨峨遠岫出泯泯清江去簷
隙委殘雷屋隅連宿霧蒼蔚互低昂熹微分散聚城郭
諒非昔山川儼如故童鬢已零落姝顏慰遲暮沉沉澹
忘歸欲歸重回顧

東方有一士

欽定四庫全書

宋元詩會
卷五十一

三

萬金結遊俠千金買歌舞丹青映第宅從者塞衢路身
爲他人役名聲落塵土他人一何傷富貴還自苦東方
有一士敗垣半風雨不識絲與竹飛雀滿庭戶晨餐或
不飽夜夢無驚寤此事古來多難與俗人語

送劉其發入蜀

秋風淒已寒蜀道阻且長虎狼伏原野欲濟川無梁客
從何處來云我之西方蕭蕭驕驕鳴矍矍湛盧光昔時
榮華地今爲爭戰場將軍揚天戈壯士發戎行江南有

羈鳥悠悠懷故鄉
駕言與子遊雲天何茫茫

發魚臺

晨炊發魚臺
碎雨飛擊面團團
四野周冥冥萬象變疑
是江南山煙霧昏不見
豈知此中原今古經百戰
英雄化爲土飛霜洒郊甸
天寒日欲短遊子淚如霰

發陵州

中原似滄海萬頃與雲連
朝暾欲東出皎月正在天
遠樹亂如點桑麻鬱蒼煙
一雁入高空千鴉落平田
我行天地中如蟻磨上旋
雨痕留故衣霜氣襲重氈
健馬嘶北風潛魚樂深淵
噫哉南方人回首空自憐

贈許柏溪惟一

長風吹飛藿蜻蛚吟野草
流光速代謝興懷令人老
遊子中夜起悠悠酣且歌
明月委清照江湖秋涉多
豈無臨淄魚亦有邯鄲酒
懷古招王孫登高重回首

正氣歌

余囚北庭坐一土室室廣八尺深可四尋單扉低小

欽定四庫全書

宋元詩會
卷五十一

四

欽定四庫全書

宋元詩會
卷五十一

五

白間短窄汙下而幽暗當此夏日諸氣萃然雨潦四集浮動牀几時則爲水氣塗泥半朝蒸漚歷瀾時則爲土氣乍晴暴熱風道四塞時則爲日氣簷陰新爨助長炎虐時則爲火氣倉腐寄頓陳陳逼人時則爲米氣駢肩雜遝腥臊汙垢時則爲人氣或圍溷浮屍或腐鼠雜出時則爲穢氣疊是數氣當者鮮不爲厲而余以孱弱俯仰其間于茲二年矣是殆有養致然爾然亦安知所養何哉孟子曰我善養吾浩然之氣彼氣有七吾氣有一以一敵七吾何患焉况浩然者乃天地之正氣也作正氣歌一首

天地有正氣雜然賦流形下則爲河嶽上則爲日星
于人口浩然沛乎塞蒼冥皇路當清夷含和吐明庭
時窮節乃見一一垂丹青在齊太史簡在晉董狐筆
在秦張良椎在漢蘇武節爲嚴將軍頭爲嵇侍中血
爲張睢陽髯爲顏常山舌或爲遼東帽清操厲冰雪或爲出師表鬼神泣壯烈或爲渡江楫慷慨吞狼穴或爲擊賊笏逆

豎頭破裂是氣所磅礴凜烈萬古存當其貫日月死生
安足論地維賴以立天柱賴以尊三綱寔係命道義爲
之根嗟余遺陽九隸也寔不力楚囚纓其冠傳車送窮
北鼎鑊甘如飴求之不可得陰房闕鬼火春院閤天黑
牛驥同一皁雞栖鳳凰食一朝蒙霧露分作溝中瘠如
此再寒暑百沴自辟易嗟哉沮洳場爲我安樂園豈有
他繆巧陰陽不能賊顧此耿耿存仰視浮雲白悠悠我
心悲蒼天曷有極哲人日已遠典刑在夙昔風簷展書
欽定四庫全書

宋元詩會
卷五十一

六

讀古道照顏色

贈蜀醫鍾正甫有感

炎皇覽衆艸異種多西州爲君望岷峨使我雙淚流向
來秦越人朝洛夕邯鄲子持鵲經來自西亦徂南江南
有羈羽豈不懷故營何當同皇風六氣和且平

有感

石郎草草割山川一落人手三百年八州風雨暗連天
三皇五帝如飛煙人人野祭伊水邊春秋斷爛不復傳

白頭潦倒今魯連夜深危坐日晏眠

青原寺 二首

鐘魚閒日月竹樹老風煙一逕溪流滿四山天影圓無
言都是趣有想便成緣夢破啼猿雨開元六百年
空庭橫蟬蛸斷碣偃龍蛇活火參禪筍清泉透佛茶晚
鐘何處雨春水滿城花夜影燈前客江西七祖家

翠玉樓

昏鴉何處落野渡少人行黃葉聲在地青山影入城江

欽定四庫全書

宋元詩會
卷五十一

七

湖行客夢風雨故鄉情試問東南信梅花三兩英

阜蓋樓

一水樓臺逸半空圖畫開蝸涎行薜荔雀影上莓苔碧
落人千載青山酒一杯晚煙看不盡明日卻歸來

長溪道中和張自山韻

夜靜吳歌咽春深蜀血流向來蘇武節今日子長遊海
角雲爲岼江心石作洲丈夫竟何事底用泣神州

即事

去年傷北使今日歎南馳雲溼山如動天低雨欲垂征夫行未已遊子去何之正好王師出崆峒麥熟時

英德道中

海近山如沃林深屋半蕪乾坤正風雨軒冕總泥途自歎鵞肩薄誰憐鶴影孤少年狂不醒夜夜夢伊吾

建康

金陵古會府南渡舊陪京山勢猶盤礴江流已變更健兒徙幽土新鬼哭臺城一片清溪月偏于客有情

欽定四庫全書

宋元詩會
卷五十一

真州驛

山川如識我故舊更無人俯仰干戈跡往來車馬塵英雄遺算晚天地暗愁新北首燕山路淒涼夜向晨

送曹大著知廣德軍

暫屈瀛洲客來臨汭水民山川歸史記岳牧屬詞人館舍朋簪舊都門祖帳新儒林官可紀何止吏稱循

題吳城山

龍行人鬼外神在地天間彭蠡石砮出洞庭商舶還秋

風黃鵠遠春雨白鷗閒雲際青如粟河流接海山

文山即事

宇宙風煙濶山林日月長開灘通燕尾伐石割羊腸盤谷堪居李廬山久姓匡知名總閒事一醉擢滄浪

山居和韻

白扇揮殘暑青鞋踏嫩晴花牀尋小隱石鼎引長鳴紗帽有時去酒壺惟意傾山僧痴與坐閒卻瘦彌明

病中

欽定四庫全書

宋元詩會
卷五十一

九

驟雨知何處一溪秋水生苦吟肩鶴瘦多病耳蟬鳴隱几惟便睡挑書正倦行山深明月夜丐我半窗清

別謝愛山

君今拂衣去我獨枕書眠一片過林雨數聲當戶蟬情長空有恨吟苦不成篇後會知何日西風老雁天

病愈簡劉小村

倦餘心似醉病起首如蓬黃竹斷橋雨白蘋長笛風仙鷗屢舞咄咄雁書空孤負秋來眼閒挑爨下桐

曉起

遠寺鳴金鐸疎窗試寶熏秋聲江一片曙影月三分倦
鶴行黃葉痴猿坐白雲道人無別事抱膝看回文

別里中諸友

青山回首風雨暗啼猿楊柳溪頭釣梅花石上尊故
人無復見烈士尚誰言長有歸來夢衣冠滿故園

拜羅氏百歲母之明日主人舉酒客賦詩喜而趣

韻

欽定四庫全書

宋元詩會
卷五十一

十

翠微三島近畫閣五雲橫春水鷗聲滑夕陽鴉背明尊

前持一笑花下臥餘醒曾見瑤池母不爲虛此生

醉清湖上三日存叟獨不在坐即席有懷

石鼎吟方透瑤觴醉未闌疎林花密綴舊壘燕新安春

半湖山好夜深江海寒王孫隔芳草初月正相看

題楚觀樓

西風吹感慨曉氣薄登臨半壁楚雲立一川湘雨深乾

坤橫笛影江海倚樓心遺恨飛鴻外南來訪遠音

余題鬱孤泉五湖翁姚濂爲之和翁官滿歸里因

韻贊別

巢龜君住好涌翠我來遲夜雨呼三韭春風試一旗飛
花行客夢芳草故人思何日五湖上同看浴海曦

天台杜許字貴卿號梅壑糾合四千人欲救王室

當國者不知省正月十三日見余于西湖上余

喜其有志頗獎異之十九日客贊余使北梅壑

斷斷不可客逐之去余果爲北所留後二十日

欽定四庫全書

宋元詩會
卷五十一

十一

驅余北行諸客皆散梅壑憐余孤苦慨然相從

天下義士也朝旨特改宣教郎除禮兵架閣文

字

仗節辭王室悠悠萬里轅諸君皆雨別一士獨星言啼

鳥亂人意落花銷客魂東坡愛巢谷頗恨晚登門

聞雞

軍中二十日此夕始聞雞塵暗天街靜沙長海路迷銅

駝隨雨落鐵騎向風嘶曉起呼詹尹何時脫蒺藜

平江府

樓臺俯舟楫城郭滿干戈故吏歸心少遺民出涕多鳩
居無鵲在魚網有鴻過使遂睢陽志安危今若何

沈頤家

余回京口北人歎之府中余不得離岸上得沈頤家
坐臥北不意余爲遁計也

孤舟霜月迥曉起入柴門斷岸行簪影荒畦落履痕江
山渾在眼宇宙付無言昨夜三更夢春風滿故園

欽定四庫全書

宋元詩會
卷五十一

十二

余自皋亭山爲北所留深悔一出之誤聞故人劉

小村陳蒲塘引兵而南流涕不自堪

只把初心看休將近事論誓爲天出力疑有鬼迷魂明
月夜推枕春風晝閉門故人萬山外俯仰向誰言

來此持論太烈北愈疑憚不得歸闕將校官屬日

有叛去者可歎

悠悠天地濶世事與誰論清夜爲揮涕白雲空斷魂死
生蘇子節貴賤翟公門前輩如瓶戒無言勝有言

發東阿

東原深處所時或見人煙秋雨桑麻地春風桃李天貪
程頻問堦快馬緩加鞭多少飛檣過噫吁是北船

海上

天邊青鳥逝海上白鷗馴王濟非痴叔陶潛豈醉人得
當須報國可隱即逃秦身世何時定挑燈看劒頻

除夜

門揜千山黑孤燈伴不眠故鄉在何處今夕是窮年住

欽定四庫全書

宋元詩會
卷五十一

十三

世真無係爲囚已自然勞勞空歲月得死似登仙

元日

慙愧雲臺客飄零雪滿羶不圖朱鳥影猶見白蛇年宮
殿荒烟隔門庭宿艸連乾坤自春色回首一潸然

泰和

書生曾擁碧油幢恥與羣兒共豎降漢節幾回登快閣
楚囚今度過澄江丹心不改君臣誼清淚難忘父母邦
莫訝鄉人知我瘦經旬絕粒坐蓬窗

和中齋韻

功業飄零五丈原如今局促傍誰轅
俛眉北去明妃淚啼血南飛望帝魂
骨肉凋殘惟我在形容變盡只聲存
江流千古英雄恨蘭作行舟柳作樊

山中即事

攜壺藉草醉斜陽白鶴飛來月下雙
蘆葉西風驚別浦芭蕉夜雨隔疎窗
千年帝子朱簾夢一曲仙人鐵笛腔
苦問山翁還瘦否手持漁竹下寒江

欽定四庫全書

宋元詩會
卷五十一

十四

和韻送逸軒劉民章

少日屠龍事已勞送人千里發江濤
蓬萊地近風方細閭闔門開日正高
春裏看花須款款雨中剪韭且陶陶
金吾已辦長安月雙鳳扶雲立海鰲

送人往湖南

雁拖寒月洞庭邊客路淒涼野菊天
雲隔秋樽橫北海風吹藜杖落西川
夜深鬼火千山雪春後鶉花一樹煙
爲我祝融峰上看朝暾白處禮蓬仙

和蕭安撫平林送行韻

得失元來付塞翁何心桃李問東風
人皆有喜榮三仕我尚無文謝五窮
秘苑固知朋可正畏途猶恐甲方衆
欲酬長者殷勤祝坎止流行學四忠

過萬安縣

青山共折水天平不是南征是北征
舉世更無巡遠死當年誰道甫申生
遙知嶺外相思處不見灘頭惶恐聲
傳語故園猿鶴好夢回江路月淒清

欽定四庫全書

宋元詩會
卷五十一

十五

覺海院

闍黎鐘後訪團蒲江色漫漫晝欲晡
一笛樓邊河滿子千蓑蘆外筆頭奴
急風吹雁還家未新雨生濤到海無
本是白鷗隨浩蕩野田漂泊不爲孤

禪關

秋風吹日上禪關路入松花第一彎
只願四時煙霧少滿城樓閣見青山

雲端

半空天矯起層臺傳到劉安車馬來山上自晴山下雨

倚欄平立看風雷

陳文龍

興化人度宗龍飛之歲擢廷魁第一元兵至興化不屈死有與仲子訣別詩讀者悲之

元兵俘至合沙詩寄仲子

斗壘孤危勢不支書生守志定難移自經溝瀆非吾事

臣死封疆是此時須信累囚堪鬱鼓未聞烈士樹降旗

一門百指淪胥盡惟有丹衷天地知

欽定四庫全書

宋元詩會卷五十一

十六

鄧光薦

名刻以字行廬陵人宋亡避兵于廣東香山縣有題烏巖山詩又考其所居在本邑西南七十里遭土寇妻子俱焚死光薦脫走之烏巖與文天祥同舟唱和信國因序其東海集此宋史所未載者按此邑又有馬南寶者宋景炎二年端宗過此以其家為行宮南寶竭力保衛宋亡悲憤不食嘗作詩有目擊厓門天地改寸心難與夜潮消之句後聞祥興尚在占城糾兵往迎遇元兵被執不屈而死

題烏巖山

歲云暮矣可奈何雲愁雨溼陰風多林壑摧殘海驚波

慘澹一色無山河哀鴻嗷嗷舊枝柯飛天不容憂虞羅

深山短景孤鳥過會看明午風日和

鷓鴣詞

行不得也哥哥瘦妻弱子羸捩天長地濶多網羅南音漸少北語多肉飛不起可奈何行不得也哥哥

謝枋得

字君直信州弋陽人為入豪與觀書五行俱下一覽終身不忘少以忠義自任寶祐中舉進士對策極攻宦官奏名乙科除撫州司戶參軍即棄去明年復出試敘官中兼經科吳潛宣撫江東西辟差幹辦公事團結民兵以捍饒信因試士策問忤賈似道謫居興國軍咸淳三年赦歸德祐元年呂文

欽定四庫全書

宋元詩會卷五十一

十七

煥導元兵東下枋得以提刑知信州信州不守乃變姓名入建寧已而賣卜建陽市中有求卜者惟取米屨不受一錢久之程文海以人材薦辭不起行省參政魏天祐強之而北至京師問謝太后攢再拜痛哭不食死

謝劉純父惠木綿布

嘉樹種木綿天何厚八閩厥土不宜桑蠶事殊艱辛木綿收千株八口不憂貧江東易此種亦可致富殷奈何來瘴癘或者畏蒼旻吾知饒信間蠶月如岐邠兒童皆衣帛豈但奉老親婦女賤羅綺賣絲買金銀角齒不兼

與天道斯平均所以木綿利不昇江東人避秦衣木葉
矧肩羞縣鵲天下有元德孔融願卜鄰綈袍望不及共
表志自仁贈我以兩端物意皆可珍潔白如雪積麗密
過錦純羔縫不足貴孤腋難擬倫絺纈皆作貢此物不
薦陳豈非神禹意隱匿遺小民詩多草木名箋疏欲諄
諄國家無楚越欲識固無因剪裁為大裘窮冬勝三春拜
嘉重感激觸物尤酸辛吁嗟彼寒谷鄒律今不神三宮
坐穹廬雨雪或一句安得遣此惠飛到君王身塞上寒墮
指挾纈誰為溫人各賜兩端費銀二萬斤大軍四十萬
談笑卻邊塵感君道義交何異骨肉親可與知者道衆
人笑且嗔玉案未能報瓊琚情則真春秋二百年幣交
幾君臣季札有贈好千古尚如新

黃禪師華嚴分供食有作

十兆九萬拜求道心如快毗盧頂上珠直欲一手探天
厨送誰饌衆腹豈敢貪君有維摩心作繭憐吳蠶八萬
四千供只須丈室函昔我聞晨鐘今載草堂柵流年急

欽定四庫全書

宋元詩會
卷五十一

十八

如梭長歌愧仙籃勇尋趙州關何畏白髮鬢願為護法
輪金甲持長鋏又恐回道入晚遇黃龍南

菖蒲歌

有石奇峭天琢成有草天天冬夏青人言菖蒲非一種
上品九節通仙靈異根不帶塵埃氣孤操愛結泉石盟
明窗淨几有宿契花林草砌無交情夜深不嫌清露重
晨光疑有白雲生嫩如秦時童女登蓬瀛手攜綠玉杖
徐行瘦如天台山上聖賢僧休糧絕粒孤鶴形勁如五

欽定四庫全書

宋元詩會
卷五十一

十九

百義士從田橫英氣凜凜摩青冥清如三千弟子立孔
庭回琴點瑟天機鳴堂前不入紅粉意席上常聽詩書聲
怪石篠簜皆充貢此物舜廟當共登神農多智入本草
靈均蔽賢遺騷經幽人耽翫發仙興方士服餌延脩齡
綵鸞紫鳳琪花苑赤虬玉麟芙蓉城上界真人好清淨
見此靈苗當大驚我欲攜之朝上帝太清瑤草不敢專
芳馨玉皇一笑留香案賜與有道者長生人間千花萬
草儘榮艷未必敢與此草爭高名

荊棘中杏花

牆東荒蹊抱溪斜荊棘狼藉盤根芽何年丹杏此留種
小紅戢戢爭春華野人慣見漫不省獨有詩客來咨嗟
天真不到鉛筆富艷自是宮闈花曲池芳逕非宿昔
蒼苔濁酒同天涯京師惜花如惜玉曉擔賣徹東西家
杏花看紅不看白十日忙殺遊春車誰家園裏有此樹
鄭重已着重幃遮阿嬌新寵貯金屋明妃遠嫁愁悲茹
落花紫簾拂牀席亦有飄泊沾泥沙天公無心物自物

欽定四庫全書

宋元詩會
卷五十一

二

得意未用相陵誇黃昏人歸花不語惟有落月啼棲鴉

崇真院絕粒偶書付兒熙之定之并呈張蒼峯劉

洞齋華甫

西漢有臣龔勝卒閉口不食四十日我今半月忍渴饑
求死不死更無術精神常與天往來不知飲食為何物
若非功行積未成便是業債償未畢太清羣仙宴會多
鳳簫龍笛鳴瑤瑟豈無道兄相提攜騎龍直上寥天一

求紙衾

避世知無地危身只信天寧持龔勝扇不着挺之綿養
性真同道知心有宿緣紙衾如墨絮晴日臥雲邊

送張子高歸延平

亂世讀書少前人教子難青燈嘗合席紅葉趁歸鞭梅
自知春近松應耐歲寒樓高新月好後夜與誰看

示兒二首

門戶興衰豈自由樂天知命我無憂大兒安得孔文舉
生子何如孫仲謀天上麒麟元有數人間豚犬不須愁

欽定四庫全書

宋元詩會
卷五十一

三

養男失教父之過莫視詩書如冠屨言

千古興亡我盡知一家消息又何疑古來聖哲少才子
世亂英雄多義兒靖節少陵能自解孔明王猛使人悲
只虞錯改金根字焉用城南勸學詩

題東觀壁二首

觀外好看船往迴觀中幾度見桃開常瞻紫氣青牛去
又帶白雲黃鶴來天地無情搔短髮古今多變付殘盃
醉中尚有醒時眼不信玉山人可推

老樹猶能識道回好懷長對碧天開青山綠水何人管
明月清風要我来少日曾聞黃石教平生幾擲左慈盃
道兄慣見人間事快抱棋枰信手推

和曹東谷韻

萬古綱常擔上肩脊梁鐵硬對皇天人生芳穢有千載
世上榮枯無百年此日識公知有道何時與我詠遊仙
不為蘇武即龔勝萬一同歸拜杜鵑

魏參政執拘投北行有期死有日詩別妻子良友

欽定四庫全書

宋元詩會
卷五十一

三

良朋

雪中松柏愈青青扶植綱常在此行天下久無龔勝潔
人間何獨伯夷清義高便覺生堪捨禮重方知死甚輕
南八男兒終不屈皇天上帝眼分明

和道士陳天隱

豈不逍遙自采真世間何地可容身碧潭秋月元無物
麗日祥風只愛春天上儘多知己友塵中安得見心人
赤此一躍蓬萊近又恐丹丘有宿因

題龜峰

三十二峰峯最高脚踏高處真人豪近觀靈山一崕嘍
俯視彭蠡無波濤眼明始見滄海濶心逸卻憐人世勞
後百千年誰獨立萬古一覽皆秋毫

按靈山一名靈鷲
在廣信府城西高

七千
餘丈

送程楚翁遠遊

近日人傳庾嶺梅南枝盡落北枝開長安舊日元無此
盡是江南人送來

欽定四庫全書

宋元詩會
卷五十一

三

春日聞杜宇

杜鵑日日勸人歸一片歸心誰得知望帝有神如可問
謂余何日是歸期

竹

新篁娟娟如綠玉蕭然出塵澹無欲清風明月誰主張
留得此君在空谷

扇

蒲葵也解歸掌握執素未應捐篋中莫把暗塵浣明月

好驅大暑來清風

菊

淵明豈但隱逸人淵明素懷諸葛志清香不獨占秋天

菊潭一滴三千歲

松

喬松磊磊多奇節冬無霜雪夏無熱根頭更有千歲苓

知誰可語長生訣

花影

欽定四庫全書

宋元詩會
卷五十一

五

重重疊疊上瑤臺幾度呼童掃不開剛被太陽收拾去

又教明月送將來

絕粒偶書

二首

丹府金童善主家百神聽命靜無譁從今何必餐松柏

但吸日精吐月華

龜銜甘露爭先到鳳吸醴泉隨後來投在太清仙酒甕

道人日飲兩三盃

瑞應宮

真人何代結幽棲累世奎章煥紫泥日月高奔黃道近
衡廬旁出玉繩低

江萬里

字子遠都昌人少神雋有鋒穎連舉於鄉入太學
有文聲理宗在潛邸嘗書其姓名於几上以舍選
出身教授池州累遷著作郎歷侍御史至權參知
政事為賈似道所忌巧祠歸聞樊襄失守鑿池芝
山扁曰止水人莫喻其意及元兵渡江萬里七十
六隱草野間為遊騎所執竟赴止水死事聞贈太
傅益國公
後謚文忠

龍虎山

欽定四庫全書

宋元詩會
卷五十一

五

鑿開風月長生地占卻煙霞不老身虛靖當年仙去後

未知丹訣付何人

附天地間集

宋末流傳此帙合十七人存詩二十首專為一集題

曰天地間集或取詩卷長留之意耶諸人行蹟無從

盡考然其篇什得附文謝與則堂先生後又經謝高

士鑒定則平日風尚諒皆可觀故仍之

則堂家鉉翁

寄江南故人

曾向錢塘住聞鵲憶蜀鄉不知今夕夢到蜀到錢唐

文山文天祥 再見

南華山

北行近千里迴復迷西東行行望南華忽忽如夢中佛
化知幾塵患乃與吾同有形終歸滅不滅惟真空笑看
曹溪水門前坐春風

逢有道者

欽定四庫全書

宋元詩會
卷五十一

宋

誰知真患難悟此大光明雲散天仍在風休水自清功
名幾減性忠孝太勞生此意如能會神仙亦可成

本心文及翁

山中夜坐

悠悠天地間草木獻奇怪投老一蒲團山中大自在

疊山謝枋得 再見

武夷山中

十年無夢得還家獨立青峰野水涯天地寂寥山雨歇

幾生修得到梅花

南谷鄭 協

溪橋晚興

寂寞亭基野渡邊春流平岸草芊芊一川晚照人閒立
滿袖楊花聽杜鵑

錢塘晚望

錢塘江上夜潮過秋靜寒烟白露多吳越青山明月裏
舟人齊唱異鄉歌

欽定四庫全書

宋元詩會
卷五十一

二十七

歸田柴 望

月夜溪莊訪舊

山山明月露何處認梅花石色冷疑水溪流白是沙清
吟幽客夢華髮故人家相見即歸去已應河漢斜

古為徐直方

觀水

滄江無盡水夜夜隨潮去若復作潮來滄江止不住

橫舟何新之